



UNIVERSITÄTS-
BIBLIOTHEK
PADERBORN

Universitätsbibliothek Paderborn

Centvriæ Selectorvm Casvum Conscientiæ. I. II. III.tia

Burghaber, Adam

Fribvrgi Brisgoiæ, 1665

63. Orentivs haud illicitè in confessione aperit complicem.

urn:nbn:de:hbz:466:1-40942

ri potest, si grauis necessitas urgeat. Sed in proposito urget talis, nim. iactura rei familiaris. Tum quia hoc non est formaliter cooperari ad peccatum, sed solum permittere ad cauendam iacturam honestæ sustentationis, Tum quia in aliquibus urbibus, vbi Catholici mixti hæreticis vivunt, id passim fit. Ergo ob urgentem causam etiã in alijs fieri potest.

Ad rationem in contrarium dicimus, ex ea oppositam sententiam solum valde probabilem constitui, non autem nostram responsionem improbabilitatis convinci; cum absolute cooperatio hæc tantum sit materialis.

LXIII. *Orentius rem habuit cum sorore suâ, quod flagitium confitetur cum omnibus circumstantijs, cum sciret, sororem non ignotam esse Confessario. Queritur. Vtrum licitè id fecerit?*

Videtur minimè licitè id eum fecisse, cum grauitè infamârit complicem absque iustâ causâ.

Resp. I. Si præter infamiam nullum aliud damnum complici fuit illatum, non peccasse Orentium mortaliter, eum reuelando. Ita Caietan, 1. 2. q. 63. art. 2. d. 1. l. 5. d. 2. præcept. Eccl. c. n. 3. & plures alij, quos refert & sequitur Diana P. 2. Tr. 17. R. 22. & P. 6. Tr. 7. R. 9. quia reuelare crimen complicitis Confessario, perinde est, ac si nulli reuelaretur, cum absit periculum divulgationis. Resp. II. Orentium potuisse, imò & debuisse reuelare complicem.

cem, si nec aliter peccatum suum explicare, nec alium Confessarium habere potuerit. Ita Card. de Lugo *de Pœnit. D. 16. num. 394. Dicastillo de Pœnit. D. 9. n. 893. & plurimi apud hos relati. Quia causa, cur Trident. sess. 14. c. 5. præceptam dixerit confessionem integrâ, ut scilicet Sacerdos possit prudenter iudicare, punire, curare &c. hæc inquam, causa probat etiam declaranda esse peccata cum notitiâ complicis. Resp. III. Probabile esse, Orentium propter solam consolationem animi, & bonum spirituale ex integrâ confessione apud talem Confessarium factâ potuisse huic confiteri, etiam si aliû habere potuisset, Ita Tamburinus *de exped. conf. L. 2. c. 9. §. 2.* quem citat & sequi videtur Busenbaum *L. 6. Tr. 4. c. 1. d. 3. art. 2. in fine.* Ratio est, tum quia complex non censetur rationabiliter inuitus, si reueletur intam secreto foro idè, ut seruetur præceptum Christi, & percipiantur solidi fructus spirituales ex integritate confessionis. Tum quia praxis piorum ac doctorum Confessorum hoc docet, dum non reprehendunt pœnitentes, si ex tali causa complicis mentionem faciant. Tum quia ex mente Fagund. *in præcept. 2. Eccl. L. 5. c. 1. n. 3.* intali casu non est præceptum, sed consilium tantûm, ut pœnitens alium Confessarium quærat. *Atque ex his patet ad rationem in contrarium.**

LXIV. Pamphilus saepe cibo & potu implet se